

# Haenh Guekgeiz

□ Cinz Genmouz/覃建谋

Lajmbwn gvangq daiq lai,  
Cienz seiqgyaiq,  
Guekgeiz lai lumj fwj,  
Dawz lajmbwn byajj doh,  
Raeuz guekcoj,  
Guekgeiz goqlai (ceiqlai) hoengz.

Raeuz Cungguek guekgeiz,  
Hoengz baenz feiz,  
Cohseih geizhajsing,  
De vih raeuz lwgminz,  
Caux vuenyungz,  
Lumjdoengz(lumjbaenz) aen fapbauj.

De mbin hwnj gwnzmbwn,  
Bienq daengngoenz,  
Ciuq ndaej mbwn engq rongh,  
Hwnzngoenz cungj ityengh,  
Gak beixnuengx,  
Sim rongh ndang youh raeuj.

Mbwn rengx ndi roengz fwn,  
Geiz ingj mbwn,  
Roengz fwn haeux fungcanj.  
Mboujlnh singz rox mbanj,  
Cien fanh ranz,  
Ndi fanz miz dungx iek.

Guekgeiz cap ndawmbanj,  
Ranzlaez sang,  
Doengz rangzcin fouzsoq,  
De hawj raeuz guekcoj,  
Vunz bouxhoj,  
Hai lohfouq duetgungz.

De naengh ruzroxmbin(yijcoufeihconz),  
Youq gwnzmbwn,  
Hairueng(haifwz) ndaem fangzhwnz,  
De naengh ruzmboujnjn(cenzsuijdjing),  
Hwnz rangh ngoenz,  
Daejhaj baenz giemqbauj.

Guekgeiz mbin benhfangz,  
Simhaemzlangz,  
Yawjraen damj cungj dek,  
Rumzlaux geiz mbouj lot(sieng),  
Raeuz Cungguek,  
Onj doengz diet rangh gang.

Guekgeiz youq yozyau,  
Lauxsae hau(ndei),  
Vih guek caux vunzcaiz,  
Gohyenz fatmingz lai,  
Lumj rangzfaiz,  
Baiz bei j baiz engq sang.

De naengh cigauhsuz(riengjret),  
Ciengq guekgo,  
Byaij doh cienz seiqgyaiq,  
Cingzngieh dujva hai,  
Cien fanh daih,  
Bauj seiqgyaiq doxhuz.

Baengh dangj dazyinx ndei,  
Raeuz guekgeiz,  
Caiz(cjj) meiz(miz) vei(vi) miz sinq(saenq),  
Dangj youq raeuz ndawsim,  
Dwg mouxcin(daxmeh),  
Fanhdaiah lumz mbouj ndaej.

Cukhoh raeuz guekgeiz,  
Daj seizeinx,  
Bei(bi) beij bei engq moq.  
Miz dangj daej dazloh,  
Raeuz guekcoj,  
Itdingh rox fouqgiengz.

Dangj doiq raeuz ndei lai,  
Raeuz fanh daih,  
Aeu lailai gyaez dangj,  
Guenjriengz Gungcanjdangj,  
Doengzsim ganq(guh),  
Dawz namh lienh baenz gim.

# Gou Gyaez Hag Sawcuengh

□ Vangz Gveiyangh / 黃桂香

Gou dwg vunz Bouxgun, gangj Vahgun. Gou mbouj rox gangj Vahcuengh, hix mbouj rox saek di Sawcuengh. Hoeng, gou guhhong yungh daengz Sawcuengh, ndigah couh haihj hag Sawcuengh, hag ndei le cij ndaej son lwghag. Yienghneix, gou couh daeuj daengz Gvangjsih Minzcuz Dayoz hag Sawcuengh lo.

Bi 2013 cuengq sujyaj, gou daeuj daengz Minzda hag Sawcuengh, seizhaenx dwg hag Sawcuengh cogaep. Gou aeu aen fuengfap hag Yinghyij bae hag Sawcuengh—Aeu doegfap sawgun bae biu yaem Sawcuengh. Caj gou menhmenh rox bingq rox doeg liux, gou roxnyinh Sawcuengh caeuq bingqyaem sawgun doxdoeng, cij dwg eiqsei mbouj doengz. Gou rox bingq Sawcuengh liux, couh haenqrengz hag

Sawcuengh. Youq Minzda doegsaw 17 ngoenz, roengzdangz lo cungj mbouj yietnaiq, doeg Sawcuengh mbouj dingz, mbouj rox couh cam vunz. Ma daengz ranz cawz liux gwn haeux, ninz, gizyawz cungj dwg hag Sawcuengh. Yienghneix, 17 ngoenz, gou doeg geij bonj saw Vahcuengh Minzda fat haenx song baez, doeg 《Sawcuengh 900 Gawq》 haj baez. Bihaenx, gou gauj ndaej mbaw cingq Sawcuengh cogaep.

Bi 2014 sujyaj, gou youh ma daengz Gvangjsih Minzcuz Dayoz hagsib Sawcuengh. Mbatneix gou sim hoengzhwdhw yaek aeu bauq gauj Sawcuengh gaugaep. Hoeng, seizhaenx boux hag Sawcuengh lailai, gou deng faen haeuj aen ban Sawcuengh cungaep bae. Bonj saw cungaep

caeuj bonj saw gaugaep mbouj doxdoengz, gou youh dwg bauq gauj gaugaep, baenzlawz guh ne? Gou youh haenqrengz hag Sawcuengh lo. Lauxsae son doeg, gou riengzlaeng doeg, doengzhag doxson, roengzdangz lij mbouj yietnaiq, cijmiz lai doeg cij geiq ndaej maenh. Aenvih gou dwg gangj vah Sinhminz, hag Sawcuengh bei vunz dwgrengz.

Gou ciengzseiz lai cam Luz Yungjbinh lauxsae, lauxsae raen gou gyaez hag Sawcuengh, gangj: “Mwngz yienghneix gyaez hag Sawcuengh, ndaej baenz boux lijun’ gyah.” Gou ngawhngwnh, de couh gaijsiz naeuz: “Mwngz rox gangj vah Sinhminz, rox Vahgun, rox Vahcuengh, youh majj doengh’ uk, dawz geij coenz neix giethab hwnjdaeuj yenzgiu, ra ok

coenzvah doxdoengz, mwngz couh dwg lijun’ gyah lo.” Sat liux, de youh gangj: “Mwngz hag ndaej baenz ndei, sij ndaej baenz faenzcieng.” Dingq liux coenzhauq lauxsae, gou engqgya miz saenqsim hag ndei Sawcuengh lo.

Bi 2014 sujyaj hag liux 17 ngoenz Sawcuengh, gou hwnzngoenz doeg Sawcuengh, dawz bonj saw cungaep gaugaep cungj doeg liux 3 baez, lij ngoenzngoenz raiz Sawcuengh. “Vunz gaenx mbwn cix bang.” Gou gauj ndaej gaugaep lo.

Seizneix, gou youh daeuj daengz Gvangjsih Minzcuz Dayoz hag Sawcuengh. Gou aeu hag ndei Sawcuengh, guh daengz cuengh gun giethab, aeu cuengh coi gun, cuengh gun doxdoeng, cienzswnj vwnzva Cunghvaz Minzcuz.

Haeujhaemh, vunzmbanj haeuj laeng Vangz Gencingh cam aeu geijlai boux vunz bae guhhong. Vangz Gencingh naeuz: “Aeu ngeihcib haj boux, bouxlawz ndaej bae gonq haetcog couh riengz gou bae.”

Miz hong guh le, daihgya angqfwngfwng, youq ranz nanz le, mbouj miz ngaenz yungh, simfanz dangqmaz, miz mbangj gaenq ok bae dieggyae ra hong guh, ndaejnyi Vangz Gencingh miz hong guh, sikhaek ma ranz, ndawmbanj miz cibhaj boux

## Lauxdoengz

□ Moz Lijginz / 磨礼勤

haetcog ndaej caeuq Vangz Gencingh bae Namzningz, vunz youq dieggyae ma haenx daengz Namzningz caengh dwk denva hawj Vangz Gencingh.

Gyoengqvunz gag baema ninz le, dahlung Vangz Meijyen yaek ninz ndaej youh hwnq congz byajok rug swhgeij daeuj daengz gyangdangz doiq Vangz Gencingh naeuz: “Daxboh, dah doengzhag gou daengq gou cam mwngz seizlawz miz hong guh le hawj daxboh de caeuq mwngz bae guh.”

Vangz Gencingh riunyumnyum

doiq dahlung naeuz: “Baenz ha, baezaeng gou ra ndaej hong gonq.”

### Cib

Dieghong youq henj dijuzgvanj, Cinz lauxbanj youq henzyawj co ranz hawj gyoengq hujgeiq youq. Vangz Gencingh dwk denva hawj Cinz lauxbanj, aeu ndaej denva boux-cawjranz, dwk gvaqbae naeuz yaek naengh geij camh cigunghgyauh, banringzgvaq caengh daengz diegyouq.

Neix dwg seiq caengz laeuqiq, cawjranz dwg boux vunzgungnierz

nde, ganghyeu, de baez raen Vangz Gencingh, lumj lauxyoux lai bi raennaj nei byaj gvaqdaej, iet ok fwngzgvaz caeuq Vangz Gencingh gaemfwngz.

“Lauxbanj singq maz?” De cam.

“Gou singq Vangz.” Vangz Gencingh han.

“Gou singq Vuj, caeuq Vuj Cwzdenh doengz singq.” Cawjranz naeuz.

Vangz Gencingh riu naeuz: “Dou ndaej caeuq vuengzdaeq doengz youq, dou bingzan mbouj you lo.” Vunzlai caez riu, riengz cawjranz haeuj ranz bae.

Cawjranz hai douhung, naeuz: “Hwnj caengz daihsam, daihseiq bae, caengz daih’ it caeuq daihngieh gaenq miz vunz youq lo.”

